

# Kehalalan makanan diberi keutamaan



PEGAWAI Pelajaran, Dayang Zurina Salwa binti Haji Osman yang juga selaku Ketua Seksyen Perancangan dan Penyelidikan di Bahagian Kawalan Makanan Halal semasa ditemu bual.

**BANDAR SERI BEGAWAN,** Sabtu, 27 Januari. - Perintah Sijil Halal dan Label Halal, 2005 diwartakan pada 28 Mei 2005 dan dikuatkuasakan pada 1 Ogos 2008.

Perintah tersebut berkaitan dengan permohonan Sijil Halal dan Label (Permit) Halal serta kesalahan-kesalahan di bawah perintah berkenaan dan akta dan perintah itu secara tidak langsung merupakan satu usaha Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dalam menjaga kehalalan makanan di negara ini.

Sejak tahun 2008 hingga 2017, beberapa pindaan perintah ini telah dibuat, di antara pindaan yang telah diperkenalkan pada tahun 2012 ialah pindaan sah laku Sijil Halal dari setahun (BND\$30.00 setiap Sijil Halal) kepada tiga tahun (BND\$90.00 setiap Sijil Halal).

Dalam pendekatan Pelita Brunei bersama Pegawai Pelajaran, Dayang Zurina Salwa binti

Berita dan Foto :  
Wan Mohamad Sahran Wan Ahmadi

Haji Osman yang juga selaku Ketua Seksyen Perancangan dan Penyelidikan di Bahagian Kawalan Makanan Halal menjelaskan pada 26 Januari 2017, beberapa pindaan telah diwartakan, iaitu mewajibkan ke atas semua pemilik perniagaan yang berkaitan dengan makanan di Negara Brunei Darussalam untuk membuat permohonan Sijil Halal atau Permit Halal.

Dayang Zurina Salwa seterusnya menerangkan, peniaga makanan yang sudah beroperasi tetapi belum bersijil halal diberikan tempoh peralihan selama enam bulan selepas tarikh dikuatkuasakan untuk membuat permohonan, manakala bagi peniaga yang baru beroperasi diberikan masa enam bulan dari tarikh ia mula beroperasi untuk membuat permohonan Sijil Halal atau Permit Halal.

Pindaan tersebut katanya, dikuatkuasakan pada 26 Mei 2017 di mana tempoh peralihan bagi peniaga makanan yang sudah beroperasi untuk membuat permohonan Sijil Halal atau Permit Halal adalah pada 26 November 2017 yang lepas.

Pindaan Perintah Sijil Halal dan Label Halal (2017) memperkenalkan skop pensijilan Halal secara sukarela kepada produk kosmetik, barang gunaan dan perkhidmatan seperti logistik.

Dasar Pindaan 2017 adalah mewajibkan permohonan, iaitu

Sijil Halal dan Permit Halal ke atas pemilik perniagaan yang berkaitan dengan makanan di Negara Brunei Darussalam.

Selain itu, meluaskan skop pensijilan halal (secara sukarela) kepada produk perubatan; kosmetik; gunaan dan perkhidmatan (logistik) di samping memberikan tempoh peralihan (*grace period*) bagi mendapatkan Sijil Halal dan Label Halal serta memperkenalkan pengecualian bagi jenis-jenis perniagaan yang tertentu tertakluk kepada syarat-syarat untuk mendapat pengecualian Bab 49(B), Perintah Sijil Halal dan Label Halal (Pindaan), 2017 serta memperkenalkan dan menguatkuasakan kesalahan-kesalahan yang boleh dikumpukan (*compoundable offences*).

Tambahnya, permohonan diwajibkan kepada pengusahapengusaha makanan di Negara Brunei Darussalam, iaitu premis penyediaan makanan seperti restoran, gerai dan *food court* serta kilang pemprosesan makanan atau minuman dan perusahaan produk makanan yang diedarkan.

Bayaran Sijil Halal adalah BDN90 untuk tempoh tiga tahun dan pada masa ini penetapan kadar bayaran baharu bagi Permit Halal sedang dalam proses pertimbangan. Tarikh bermula penguatkuasaan kadar yang baharu ini akan dimaklumkan kemudian setelah proses-proses tertentu disempurnakan.

**'PENIAGA makanan yang sudah beroperasi tetapi belum bersijil halal diberikan tempoh peralihan selama enam bulan selepas tarikh dikuatkuasakan untuk membuat permohonan, manakala bagi peniaga yang baru beroperasi diberikan masa enam bulan dari tarikh ia mula beroperasi untuk membuat permohonan Sijil Halal atau Permit Halal.'**

## PBH bina kepimpinan belia masa depan

Slaran Akhbar dan Foto : Dynamic Action Group



YANG Di-Pertua Majlis Perwakilan Pelajar Universiti Islam Sultan Sharif Ali menyampaikan cenderahati kepada Ketua Kumpulan Dynamic Action Group.

**BANDAR SERI BEGAWAN.-** Sabtu 27 Januari - Seramai 30

Majlis Perwakilan Pelajar Universiti Islam Sultan Sharif Ali (UNISSA) mengikuti Program Belia Hebat (PBH) yang diungkuayahkan oleh Dynamic Action Group (DAG) bcrlangsung di Auditorium, UNISSA, di sini.

Tiga sesi utama diketengahkan dalam program tersebut, iaitu Sesi Mengetahui Personaliti Diri (Know Your Personality), Sesi Pengucapan Awam (Public Speaking) dan Sesi Wawasan Brunei 2035. Antara tujuan program untuk menerapkan kemahiran kepimpinan, sekaligus mempersiakan peserta dari aspek mental dan fizikal dalam menguruskan sesebuah organisasi.

Di samping itu, pogram berkenaan diharap dapat memberikan peluang kepada peserta untuk lebih mengenali kelebihan diri masing-masing dan seterusnya mampu untuk menggunakannya dengan cara yang lebih efektif.

PBH merupakan projek khidmat masyarakat yang diungkuayahkan oleh DAG yang terdiri daripada tujuh pegawai muda kerajaan yang berkaliber dari pelbagai kementerian dan jabatan yang pada ketika ini sedang mengikuti Program Eksekutif Muda, Civil Service Leadership Pipeline di bawah kelolaan Jabatan Perkhidmatan Awam, Jabatan Perdana Menteri.

PBH itu merupakan kesinambungan program yang dilakukan pada tahun lalu dan tercalon sebagai penerima Anugerah Projek Cemerlang untuk Belia pada Sambutan Hari Belia Kebangsaan Tahun 2017.

Tahun ini, siri PBH akan dilartakan ke sekolah-sekolah menengah juga institusi-institusi pengajian tinggi.

DAG dalam usaha untuk berkongsi ilmu dan membantu para belia Brunei terutama dalam meningkatkan keupayaan juga potensi diri mereka untuk terus bergiat aktif mengadakan PBH pada masa akan datang.

## Penuntut diseru ceburi bidang keusahawanan

Oleh : Saerah Haji Abd Ghani  
Foto : Pg. Amirulnizam Pg. Haji Mohd. Ali

**BANDAR SERI BEGAWAN,** Sabtu, 27 Januari. - Seramai 55 penuntut Institut Pendidikan Teknikal Brunei (IBTE) yang dalam jurusan Kejururawatan berpeluang mendengarkan Taklimat Kejururawatan dan Keusahawanan yang berlangsung di salah sebuah restoran di Kampung Kitlap, di sini.

Taklimat Kejururawatan dan Kesusahawanan itu disampaikan oleh Pakar Klinikal (Konsultan) dari Nursing and Entrepreneurship, Awang Noorhazny bin Abdul Sani.

Awang Noorhazny ketika ditemui menjelaskan, antara objektif dalam memberikan taklimat itu adalah untuk membuka minda para penuntut jurusan kejururawatan agar dapat berkecimpung dalam bidang keusahawanan sejurus selepas mereka lulus atau belum menerima tawaran bekerja.

Menurutnya, beliau akan membimbing para penuntut tersebut melalui taklimat itu

dengan mengajarkan langkah permulaan mereka dan kemahiran dalam keusahawanan yang berkaitan dengan jurusan mereka.

"Mereka semestinya tidak hanya bergantung kepada pekerjaan kejururawatan sahaja akan tetapi boleh menjadi apa sahaja seperti pakar undangan ke universiti-universiti, membuka pembekal perubatan sendiri dan sebagainya dan mereka ini hanya memerlukan pembelajaran dan kemahiran yang tepat," ujarnya.

Beliau seterusnya berharap agar para penuntut mula merancang untuk mencapai dan melihat apa yang mereka ingini untuk kepentingan masa hadapan mereka dan memikirkan apa yang perlu dilakukan setelah mereka lulus nanti.

PAKAR Klinikal (Konsultan) dari Nursing and Entrepreneurship, Awang Noorhazny bin Abdul Sani semasa menyampaikan Taklimat Kejururawatan dan Keusahawanan.

